

御纂醫宗金鑑卷五十一

編輯幼科雜病心法要訣目錄

初生門

下

目爛

生地黃湯

真金散

懸癰

如聖散

一字散

重齟

一字散

清胃散

鵞口

行身... 卷五十一

清熱瀉脾散

保命散

吐舌

瀉心導赤湯

弄舌

瀉黃散

瀉心導赤湯

重舌

清熱飲

涼心散

木舌

川消散

瀉心導赤湯

覘乳

卷五十一

和中清熱飲

溫中止吐湯

平胃散

枳桔二陳湯

夜啼

釣藤飲

導赤散

蟬花散

胎黃

生地黃湯

犀角散

胎赤

清熱解毒湯

蔣氏化毒丹

赤遊風

犀角解毒飲

藍葉散

砭血法

神功散

豬肉貼法

塗法

初生無皮

換肌消毒散

當歸飲

清涼膏

鴛黃散

撲粉法

變蒸

驚風門

驚風總括

驚風八候

通關急救法

通關散

急驚風

清熱鎮驚湯

至寶丹

涼膈散

瀉青丸

瀉心導赤湯

急驚後調理法

固真散

安神鎮驚丸

牛黃丸

羌活散

清熱化痰湯

涼驚丸

琥珀抱龍丸

清心滌痰湯

慢驚風

醒脾湯

緩肝理脾湯

夾熱夾痰慢驚

青州白丸子

柴芍六君子湯

慢脾風

溫中補脾湯

固真湯

理中湯

癩證門

癩證總括

陰癩

醒脾湯

固真湯

定癩湯

陽癩

龍膽湯

瀉青丸

四製抱龍丸

驚癩

大青膏

鎮驚丸

痰癩

一捻金

硃衣滾痰丸

食癩

妙聖丹

硃衣滾痰丸

清熱和胃丸

風癩

化風丹

羌活桂枝湯

牛黃丸

御纂醫宗金鑑卷五十一

編輯幼科雜病心法要訣

初生門

下

目爛

兒生兩目痛難睜胞邊赤爛胎熱攻內用地黃湯清熱外點真

金目即明

註

目爛者胞邊赤爛痛癢難睜因胎中蘊熱生後毒熱上攻

於目故有是證內服地黃湯以清熱外用真金散以點目

其證自愈

生地黃湯

方見目不閉

真金散

黃連生

黃蘗生

當歸

赤芍藥各一錢

杏仁五分炒去皮尖

右剉散乳汁浸一宿晒乾為極細末用生地黃汁調一字

頻頻點眼即愈

懸癰

腭上腫起號懸癰皆因胎毒熱上衝法當刺破鹽湯拭如聖一

字擦之靈

註

凡喉裏上腭腫起如蘆籜盛水狀者名曰懸癰蘆籜者蘆

筍也此胎毒上攻須以綿纏長鍼留鋒刺之瀉去青黃赤

汁未消者來日再刺刺後以鹽湯拭口用如聖散或一字散摻之

如聖散

鈴霜 一錢

真牛黃 一錢

太陰元精石

硃砂

各二錢五分

龍腦 五分

右為極細末每用一字摻患處

一字散

硃砂

水飛

礪砂 各五分

龍腦

朴硝 各一字

右為極細末用蜜調少許鷺翎蘸搽口內

重齟

重齟胎熱胃中蓄牙根腫脹痛難禁刺破一字散敷上繼進清

胃效如神

註

重齟者因小兒在胎有熱蓄於胃中故牙根腫如水泡名

曰重齟治法用鍼刺破以鹽湯拭淨外敷一字散內服清

胃散其腫自消

一字散 方見懸癰

清胃散

生地

丹皮

黃連

當歸

升麻

石膏 煨

引用燈心水煎服

方歌

清胃散治胃熱熏生地黃連當歸身丹皮升麻石膏煨臨煎須要入燈心

鵞口

鵞口白屑滿舌口心脾蘊熱本胎原清熱瀉脾搽保命少遲糜爛治難痊

註

鵞口者白屑生滿口舌如鵞之口也由在胎中受母飲食熱毒之氣蘊於心脾二經故生後遂發於口舌之間治法以清熱瀉脾散主之外用髮蘸井水拭口搽以保命散日敷三次白退自安倘治之稍遲必口舌糜爛吮乳不得則

難痊矣

清熱瀉脾散

山梔 炒

石膏 煨

黃連 薑炒

生地

黃芩

赤苓

引用燈心水煎服

方歌 清熱瀉脾治驚口 石膏生地赤苓煎 芩連梔子合成劑 加

入燈心病即安

保命散

白礬 燒灰

硃砂 各二錢 五分 水飛

馬牙硝 五錢

右研末以白鶩糞水攪取汁塗舌與口角上

吐舌

吐長收緩名吐舌皆是心經有熱成面紅煩渴溺赤瀉瀉心導赤服郎寧

註

吐舌者伸長而收緩也因心經有熱所致故面紅煩躁口渴尿赤宜瀉心導赤湯主之

瀉心導赤湯

木通

生地

黃連

甘草
生

引用燈心水煎服

方歌瀉心導赤湯最良心熱吐舌即堪嗜木通生地黃連草燈

心加入服自強

弄舌

弄舌時時口內搖心脾熱發口唇焦煩熱舌乾大便穢瀉黃導赤並能療

註兒熱口中搖動者因心脾有熱以致唇焦舌乾煩熱便穢

先用瀉黃散次服瀉心導赤湯

瀉黃散

藿香葉

山梔子炒

石膏煨

防風

甘草生

引加燈心水煎服

方歌弄舌瀉黃散最神藿香葉配山梔仁甘草防風石膏煨臨

時煎服入燈心

瀉心導赤湯 方見吐舌

重舌

舌下腫突似舌形心脾積熱上攻衝內服宜以清熱飲外敷涼
心功最靈

註

重舌者因舌下近舌根處其腫形似舌故名重舌此心脾
之熱宜服清熱飲外吹涼心散

清熱飲

黃連

生

生地

木通

甘草 生

連翹 去心

蓮子

引用淡竹葉水煎時時灌入口中

方歌清熱飲內用黃連生地蓮子木通甘連翹更加淡竹葉一

同煎服自然安

涼心散

青黛

硼砂

黃蘗

黃連

人乳拌晒

人中白

各二錢 煨過

風化硝

一錢

冰片

二分

右為極細末吹之甚效

木舌

木舌心脾積熱成腫脹木硬證多凶外用川消敷舌上內服瀉
心導赤靈

註

木舌一證皆因心脾積熱而成蓋脾之脈絡在舌下又舌
為心苗遇火上衝令元舌腫滿木硬不能轉動故名木舌
外用川消散敷舌上內服瀉心導赤湯若不急治必至難
救

川消散

樸消

五分

真紫雪

二分

鹽

一分

右為細末以竹瀝調敷舌上

瀉心導赤湯

方見吐舌

嘔乳

嘔乳之候非一端傷乳停痰胃熱寒熱宜和中清熱飲寒用溫
中止吐煎傷乳平胃散最妙停痰二陳湯可痊若是滿而自溢
者常須節乳自能安

註

小兒嘔乳證非一端有宿乳停痰胃寒胃熱之分不可一
例而治如面色多赤二便微秘手足指熱此爲熱嘔也宜
和中清熱飲主之面色青白糞青多沫手足指冷此因寒
而嘔也宜溫中止吐湯主之口熱唇乾夜臥不寧手足心
熱此爲傷乳而嘔也宜平胃散主之胸膈膨滿嘔吐痰涎

此因停痰而覘也宜枳桔二陳湯主之若喫乳過多滿而
自溢者不須服藥惟節乳則覘自止矣

和中清熱飲

黃連

薑炒

半夏

薑製

陳皮

茯苓

藿香

砂仁

引用薑水煎服

方歌 和中清熱飲黃連半夏陳皮茯苓攢藿香砂仁合成劑水

煎徐服可安全

温中止吐湯

白豆蔻

研

茯苓

半夏

薑製

生薑

水煎冲磨沉香汁服

方歌 温中止吐白豆蔻茯苓半夏共生薑臨服沉香汁加八專

治嘔乳自寒傷

平胃散

蒼朮

炒

陳皮

厚朴

薑炒

甘草

炙

麥牙

炒

砂仁

研

引用薑水煎服

方歌 小兒傷乳多吐 覘平胃調和功 可見蒼陳厚朴 甘草偕加

入麥砂薑一片

枳桔二陳湯

枳殼

麩炒

桔梗

陳皮

半夏

薑製

茯苓

甘草

炙

方歌 停痰覘乳不能安 枳桔二陳湯最先 枳桔陳半苓甘草生

行身醫宗金鑑卷之二十一
薑加入卽時痊

夜啼

夜啼寒熱因胎受須將形色辨分明寒屬脾經面青白手腹俱冷曲腰疼面赤溺閉屬心熱熱用導赤寒釣藤若無寒熱表裏證古法蟬花散最精

註

小兒初生夜啼其因有二一曰脾寒一曰心熱皆受自胎中觀其形色便知病情矣如面色青白手腹俱冷不欲吮乳曲腰不伸者脾寒也釣藤飲主之面赤脣紅身腹俱熱小便不利煩躁多啼者心熱也導赤散主之若無已上形證但多啼者用蟬花散最當

釣藤飲

川芎

白當歸

茯神

白芍

炒

茯苓

甘草

木香

煨

釣藤鈎

引用紅棗水煎服

方歌夜啼之證因脾寒須服釣藤飲可痊芎歸神芍苓甘草木

香釣藤紅棗煎

導赤散

方見小便不通

蟬花散

蟬蛻

不拘多少
下半截

右研細末每服少許薄荷煎湯調下

胎黃

兒生徧體色如金濕熱熏蒸胎受深法當滲濕兼清熱地黃犀

角二方神

註胎黃者徧體面目皆黃其色如金乃孕婦濕熱大盛小兒

在胎受母熱毒故生則有是證也法當滲濕清熱須分輕

重治之色微黃者生地黃湯深黃者犀角散

生地黃湯

生地黃

赤芍藥

川芎

當歸

天花粉

赤茯苓

澤瀉

豬苓

甘草

生

茵陳蒿

引用燈心水煎食前服

方歌治黃須用地黃湯四物花粉赤苓良澤瀉豬苓甘草等茵

陳加入水煎嚙

犀角散

犀角

鎊

茵陳蒿

栝蔞根

升麻

甘草

生

龍膽草

生地

寒水石

服

水煎不拘時服

方歌胎黃又有犀角散甘草犀角與茵陳升麻膽草生地共寒
水石同枯蕒根

胎赤

胎赤胎中受毒熱生後徧體若丹塗清熱解毒湯極妙蔣氏化
毒功效殊

註

胎赤者因孕婦過食辛熱之物以致毒熱凝結蘊於胞中
遂令小兒生下頭面肢體赤若丹塗故名曰胎赤當以清
熱解毒湯主之熱盛便秘者蔣氏化毒丹主之

清熱解毒湯

生地

黃連

金銀花

薄荷葉

連翹

去心

赤芍

木通

甘草

生

引用燈心水煎服

方清熱解毒湯堪誇生地黃連金銀花薄荷連翹赤芍藥木

通甘草燈心加

蔣氏化毒丹

犀角

黃連

桔梗

元參

薄荷葉

甘草

生

大黃

各一兩

青黛

五錢

右為細末煉白蜜為丸重六分每服一丸燈心湯化服

赤遊風

赤遊胎中毒熱成皮膚赤腫徧身行頭面四肢猶可治若歸心
腹命難生內服犀角藍葉散外用砭法敷神功百日之內忌砭
血貼塗二法可安寧

註

小兒赤遊風證多由胎中毒熱而成或生後過於溫煖毒
熱蒸發於外以致皮膚赤熱而腫色若丹塗遊走不定行
於徧身故名曰赤遊風多發於頭面四肢之間若內歸心
腹則死治法當服犀角解毒飲如不愈繼以藍葉散外用
砭法刺出毒血毒甚者敷以神功散毒輕者不用敷藥在
百日內者小兒忌砭血以其肌肉難任也須用猪肉貼法

或以赤小豆末雞子清調塗之甚效

犀角解毒飲

牛蒡子炒

犀角

荆芥穗

防風

連翹

去心

金銀花

赤芍藥

生甘草

川黃連

生地黃

引用燈心水煎服

方歌

犀角解毒藥最良牛蒡犀角合荆防連翹銀花赤芍藥甘

草川連生地黃

藍葉散

藍葉 五錢

黃芩

犀角屑

川大黃

剉微炒

柴胡

梔子

各二錢

川升麻

一錢

石膏

一錢

生甘草

一錢

右為粗末每服一錢水一小盞煎五分去渣兌竹瀝一酒

盃煎三兩沸放溫量兒大小用之氣怯弱者可去大黃

砭血法

口吮毒血各聚一處用細磁器擊碎取鋒芒者將筋頭劈開夾住用線縛定兩指輕撮筋梢合磁芒對聚血處再用筋一根頻擊刺出毒血砭後毒甚者以神功散敷之毒輕者砭後不可用恐皮膚既破草烏能作痛也如患在頭者不用砭法

祇宜臥鍼倒挑患處出毒血則愈

神功散

黃蘗

炒

草烏

生

右各為末等分用漱口水調敷頰以漱口水潤之

豬肉貼法

用生豬肉切片貼於赤腫處數數更換

塗法

生赤小豆不拘多少研為細末用雞子清調塗患處乾則再塗

初生無皮

兒生無皮有二端父母梅毒遺染傳或因未足月生早無皮赤

爛痛難堪梅毒換肌消毒散胎怯當歸飲能痊外敷清涼驚黃
粉毒解形完膚自堅

註

嬰兒生下無皮其證有二或因父母素有楊梅結毒傳染
胞胎故生下或上半身赤爛或下半身赤爛甚至色帶紫
黑又有因月分未足生育太早徧體浸漬紅嫩而光二證
俱屬惡候遺毒者內服換肌消毒散外用清涼膏或驚黃
散敷之胎元不足者內服當歸飲外用稻米粉撲之毒解
形完者謂解去毒氣其皮自漸漸生完而堅實矣

換肌消毒散

當歸

生地黃

赤芍藥

川芎

皂刺

土茯苓

金銀花

連翹

去心

甘草

生

白芷

苦參

白蘚皮

防風

引用燈心水煎服

方歌

無皮換肌消毒治四物皂刺土茯苓銀花連翹草白芷苦

參白蘚共防風

當歸飲

何首烏

製

白蘚皮

白蒺藜

甘草

當歸

生地黃

白芍藥

人參

黃耆

川芎

水煎服

方歌當歸飲治兒無皮面白肢冷服最宜首烏蘼皮白蒺藜甘

草四物共參耆

清涼膏

石灰 四兩 未經水濕成塊者

用水泡之沒指半許露一宿面上有浮起如雲片者輕輕取之微帶清水視其多寡對小磨香油亦如之以順搗成

膏為度用雞翎盪之自愈

驚黃散

黃蘗

生

石膏

各等分
煨

右研為細末撲之濕則乾撲乾則用豬苦膽調搽

撲粉法

早稻白米作粉時時撲之其皮漸生神效

變蒸

萬物春生夏熱長兒生同此變形神三十二日為一變六十四日曰一蒸變長百骸生藏府蒸增智慧發聰明十八五百七十六變蒸既畢形神成變蒸之狀身微熱耳尻骨冷無病情

註

天地生化萬物必以春溫夏熱兒之初生變生形神亦同

此理自生之日至三十二日曰一變至六十四日曰一蒸
變則長其百骸生其藏府蒸則增其智慧發其聰明也曰
十八五百七十六者謂十變五蒸之外又有三大蒸合計
五百七十六日也變蒸既畢形神具足此後則不復變蒸
矣然每變蒸之時其狀惟身微熱耳冷尻骨冷而無他病
情狀蓋以陰陽和變生化形神故無他病情狀也身微熱
者以陰陽氤氳變蒸之氣而然也耳尻冷者耳尻屬陰以
陽不傷陰而與陰和之象故不熱也

按

變蒸既曰生五藏六府次序又曰包絡三焦二經俱無形
狀故不變不蒸夫包絡乃周身脂膜聯絡百骸藏府者三

焦乃軀殼內氣充滿百骸藏府者變蒸時豈獨不及之耶
其說不經細閱靈素自知附辨以俟識者

驚風門

驚風總括

心主驚兮肝主風心熱肝風作急驚素虛藥峻因成慢吐瀉後
起慢脾風急驚陽證有實象慢脾陰證有虛形慢驚半陰半陽
證虛實寒熱要詳明

註

心藏神心病故主驚也肝屬木肝病故主風也凡小兒心
熱肝盛一觸驚受風則風火相搏必作急驚之證也若素
稟不足或因急驚用藥過峻暴傷元氣每致變成慢驚之

證更有因吐瀉既久中氣大虛脾土衰弱肝木乘虛而內
生驚風者名曰慢脾風也三者致病之因既不同故所現
之證亦各異急驚屬陽必有陽熱有餘等實象也慢脾屬
陰必有陰冷不足等虛象也至於慢驚初得之時陰陽尙
未過損或因急驚傳變而成其中常有夾痰夾熱等證故
屬半陰半陽不比慢脾純陰之病也治者須詳分虛實寒
熱以治之庶不致悞矣

驚風八候

驚風八候搐搦掣顛反引窺視之名肘臂伸縮名爲搐十指開
合搦狀成勢若相撲謂之掣顛則頭肢動搖鈴反張身仰頭向

後引狀兩手若開弓窺則目直常似怒視則覩物不轉睛內外
左右分順逆須識急慢證皆同

註

八候謂搐搦掣顫反引窺視是也搐謂肘臂伸縮搦謂十
指開合掣謂肩頭相撲顫謂手足動搖反者身仰向後引
者手若開弓窺則目直而似怒視則睛露而不活其搐以
男左手女右手男大指在外女大指在內為順反是為逆
此候急驚慢驚同皆見之虛實無所異焉治者宜切記之
通關急救法

驚風搐搦神昏憤痰壅氣塞在心胸急用通關吹入鼻無嚏則
死有嚏生

註驚風搐搦必神氣昏憤皆由痰壅氣塞壅結胸中而致急
用通關散吹人鼻內無嚏者不治有嚏者審其表裏虛實
隨證治之

通關散

半夏

生

皂角

細辛

薄荷

各等分

共為細末用筆管吹入鼻內少許

急驚風

急驚觸異心驚熱或由風鬱火生風暴發痰盛或熱極壯熱煩
急面唇紅痰壅氣促牙關噤二便秘瀉脈數洪驚用鎮驚風至

寶牛黃攻痰涼膈清平治羗活瀉青等化痰導赤共涼驚

註

急驚風一證有因目觸異物耳聞異聲神散氣亂而生者
有因心肝火盛外為風寒鬱閉不得宣通而生者有因痰
盛熱極而內動風者然證多暴發壯熱煩急面紅唇赤痰
壅氣促牙關噤急二便秘瀉噤急者齒緊急不能開也二
便秘瀉者大便秘結而小便澀難也脈洪數者主陽熱也
觸異致驚者清熱鎮驚湯安神鎮驚丸主之火鬱生風者
至寶丹主之痰盛生驚者牛黃丸攻下之熱極生風者涼
膈散清解之病不甚者則用平治之法風熱者羗活散主
之肝熱者瀉青丸主之痰兼熱者清熱化痰湯主之心經

熱者導赤散涼驚丸主之惟在臨證者審而用之

清熱鎮驚湯

柴胡

薄荷

麥冬去心

梔子

川黃連

龍膽草

茯神

釣藤鈎

甘草生

木通

引加燈心竹葉調硃砂末服

方清熱鎮驚治外驚柴胡薄荷麥門冬梔子黃連龍膽草茯

神鈎藤草木通

安神鎮驚丸

天竺黃

茯神 各五錢

膽星

棗仁

炒

麥冬

去心

赤芍

當歸

名三錢

薄荷葉

黃連

辰砂

牛黃

梔子

木通

龍骨

各三錢

青黛

一錢

右為細末煉蜜丸如菜豆大赤金箔為衣量兒大小與之
淡薑湯化下

至寶丹

麻黃

防風

荆芥

薄荷

當歸

赤芍

大黃

芒消

川芎

黃芩

桔梗

連翹

去心

白朮

土炒

梔子

石膏

煨

甘草

生

滑石

全蠍

去毒

細辛

天麻

白附子

羌活

殭蠶

炒

川連

獨活

黃蘗

各等分

右共為細末煉蜜為丸每丸重五分量兒大小與之薑湯

化下

牛黃丸

黑牽牛

白牽牛

各七錢半

膽星

枳實

麩炒

半夏

各五錢薑製

牙皂

二錢去皮弦

大黃

一兩半

右研極細末煉白蜜為九重五分量兒大小與之薑湯化

下

涼膈散

黃芩

大黃

連翹

去心

芒消

甘草

生

梔子

薄荷

引用竹葉生蜜煎服

無汗者加防風羌活

方 涼膈散治膈熱盛梔翹芩薄荷芒消黃芩秘消黃加倍用無汗更加羌活防

羌活散

羌活

防風

川芎

薄荷

天麻

僵蠶

炒

甘草

生

川黃連

柴胡

前胡

枳殼

麩炒

桔梗

引用生薑水煎服

方 羌活散風兼清熱羌防川芎薄荷葉天麻僵蠶草黃連柴

胡前胡枳殼桔

瀉青丸

龍膽草 焙

梔子

大黃 煨

羌活

防風 各一錢

川芎 錢半

右研末煉蜜爲丸如梧桐子大竹葉薄荷湯調下

清熱化痰湯

橘紅

麥冬 去心

半夏 薑製

赤苓

黃芩

竹茹

甘草 生

川連

枳殼 麩炒

桔梗

膽星

引用生薑燈心水煎服

方歌 清熱化痰有橘紅麥冬半夏赤茯苓黃芩竹茹生甘草川

連枳桔膽南星

瀉心導赤湯 方見木舌

涼驚丸

龍膽草

防風

青黛 各三錢

釣藤鈎 二錢

黃連 五錢

牛黃 一錢

右研細末麪糊為丸如粟米大量兒大小與之金器煎湯

化下

急驚後調理法

急驚之後尚未清痰熱琥珀抱龍靈神虛氣弱痰兼熱清心滌痰大有功

註

急驚多用寒涼之藥亦急則治標之法但得痰火稍退卽當調補氣血若過用寒涼必致轉成慢驚等證故驚邪一退餘熱尙在者當用琥珀抱龍丸主之若脾虛多痰者宜清心滌痰湯主之

琥珀抱龍丸

人參

琥珀

茯神 各五錢

山藥

炒一兩

甘草

四錢

檀香

三錢

天竺黃

枳殼

麩炒

枳實

各五錢 麩炒

長砂 三錢

膽星 五錢

赤金箔 二十片

右為細末煉蜜為丸每丸重一錢大兒一丸小兒半丸淡薑湯化下

清心滌痰湯

竹茹

橘紅

半夏 薑製

茯苓

枳實 麩炒

甘草 生

麥冬 去心

棗仁 炒

人參

菖蒲

南星

川黃連

引用生薑水煎服

方歌清心滌痰湯効靈補正除邪兩收功參苓橘半連茹草枳

實菖棗星麥冬

慢驚風

慢驚多緣稟賦弱或因藥峻損而成緩緩搐搦時作止面白青黃身則溫昏睡眠合睛或露脈遲神慘大便青氣虛夾痰醒脾效脾虛肝旺緩肝靈

註

慢驚一證或緣稟賦虛弱土虛木盛者有之或由急驚過用峻利之藥以致轉成此證者有之發時緩緩搐搦時作時止面色淡黃或青白相兼身必溫和昏睡眠合或睡臥露睛脈來遲緩神氣慘慘大便青色此乃脾胃虛弱治宜培補元氣為主虛而夾痰者醒脾湯主之脾虛肝旺者緩

肝理脾湯主之

醒脾湯

人參

白朮

土炒

茯苓

天麻

半夏

薑製

橘紅

全蠍

去毒

僵蠶

炒

甘草

炙

木香

倉米

膽南星

引用生薑水煎服

方歌

氣虛夾痰醒脾治參朮天麻白茯苓橘半夏全蠍僵蠶草木

香倉米膽南星

緩肝理脾湯

廣桂枝
人參
白茯苓

白芍藥
白朮
陳皮

山藥
扁豆
甘草

引用煨薑大棗水煎服

方歌
肝旺脾虛緩肝湯
桂枝參苓朮良陳
皮山藥扁豆草煎

服之時八棗薑

夾熱夾痰慢驚

慢驚夾熱或夾痰
身熱心煩口溢涎
宜以清心滌痰治
白丸柴

芍六君煎

註
慢驚之證本無熱可言
但脾虛虛熱內生故痰涎上泛咽

喉氣粗身熱心煩所謂虛夾痰熱是也痰熱相兼者清心
滌痰湯主之脾虛肝旺痰盛者青州白丸子柴芍六君湯

主之

清心滌痰湯 方見急驚後調理法

青州白丸子

生川烏 五錢 去皮臍

生半夏 七兩

南星 三兩 生

白附子 二兩 生

右為末盛生絹袋內用井花水擺出粉末盡再擺以粉盡

為度置磁盆內日晒夜露每早撇去舊水別用新水攪春

五日夏三日秋七日冬十日去水晒乾研為細末用糯米

粉煎粥清丸菜豆大每服三五丸薄荷湯送下
柴芍六君子湯

人參

白朮

土炒

茯苓

陳皮

半夏

薑製

甘草

炙

柴胡

白芍

炒

釣藤鈎

引用薑棗水煎服

方歌脾虛木旺風痰盛四君人參朮草苓痰盛陳半因加入肝

風更用柴芍藤

慢脾風

肝盛脾衰金氣弱金失承制木生風每因吐瀉傷脾胃閉目搖

行身醫宗金鑑 卷五十一
頭面唇青額汗昏睡身肢冷舌短聲啞嘔澄瀉溫中補脾為主
臍固真理中隨證從

註慢脾風一證多緣吐瀉既久脾氣大傷以致土虛不能生

金金弱不能制木肝木強盛惟脾是尅故曰脾風閉目搖
頭面唇青黯額汗昏睡四肢厥冷舌短聲啞煩嘔清水此
乃純陰無陽之證逐風則無風可逐治驚則無驚可治惟
宜大補脾土生胃回陽為主吐瀉亡陽者溫中補脾湯主
之大病後成者固真湯主之四肢厥冷者理中湯加附子
主之

溫中補脾湯

人參

黃耆

蜜炙

白朮

土炒

乾薑

附子

製

半夏

薑製

陳皮

茯苓

砂仁

肉桂

去粗皮研

白芍

炒焦

甘草

炙

丁香

引用煨薑水煎服

方歌慢脾溫中補脾湯參耆白朮共乾薑陳半附苓縮砂桂白

芍甘草共丁香

固真湯

人參

白朮

土炒

肉桂

去粗皮

白茯苓

山藥炒

黃耆蜜炙

甘草

濕紙裏煨透 附子 去皮臍湯泡浸

引用薑棗水煎服

方歌 固真湯治慢脾風 人參白朮桂茯苓 山藥黃耆煨甘草 附

子浸泡最宜精

理中湯 方見不乳

癇證門

癇證總括

小兒癇證類 瘳驚發時昏倒搖涎聲食頃即甦如無病陰陽驚

熱痰食風

註

癇證類乎驚風痙風者謂發時昏倒抽搐痰涎壅盛氣促作聲與驚痙二證相似也但四體柔軟一食之頃卽醒依然如無病之人非若痙風一身強硬終日不醒也陰者陰癇也見藏陰證陽者陽癇也見府陽證驚癇因驚熱痰癇因痰食癇因食風癇因風其證不一治亦不同臨證宜詳辨之

陰癇

陰癇屬藏肢厥冷偃臥拘急面白青吐沫聲微脈沉細醒脾固真定癇靈

註 陰痛屬陰藏寒之病也多因慢驚之後痰入心包而得發
時手足厥冷偃臥拘急面色青白口吐涎沫聲音微小脈
來沉細輕者醒痺湯甚者固真湯病退調理用定痛丹主
之

醒脾湯 方見慢驚門

固真湯 方見慢脾風

定痛丹

人參 三錢

當歸 三錢

白芍 三錢

茯神

棗仁 各五錢

遠志 三錢

虎珀 三錢

天竺黃 四錢

白朮 五錢

橘紅

半夏 薑製

天麻 各二錢

釣藤鈎 四錢

甘草 二錢

右共爲細末煉蜜丸如榛子大每服一丸淡薑湯化服

陽癇

陽癇屬府身熱汗仰臥面赤脈數洪噤急啼叫吐涎沫龍膽瀉

青與抱龍

註

陽癇屬陽府熱之病也多因急驚去風下痰不淨久而致成此證發時身熱自汗仰臥面赤脈象洪數牙關噤急或啼叫不已口吐涎沫如風兼熱者用龍膽湯肝經熱者用瀉青丸痰涎壅盛者用四製抱龍丸主之

龍膽湯 方見噤口

瀉青丸 方見急驚風

四製抱龍丸

天竺黃 五錢

辰砂 二錢

膽星 一兩

雄黃 二錢

麝香 一分半

右為極細末另用麻黃欸冬花甘草各五錢煎湯去滓慢火熬成膏合藥末為丸如芡實大每服一丸薄荷湯化下

驚癇

驚癇觸異驚神氣吐舌急叫面白紅發作如人將捕狀安神大

青鎮驚靈

註

小兒心肝熱盛偶被驚邪所觸因而神氣潰亂遂成癇症

發時吐舌急叫面色乍紅乍白悚惕不安如人將捕之狀
先服大青膏次服鎮驚丸則痛自定矣

大青膏

天麻 三錢

白附子 二錢

青黛 一錢

蠍尾 一錢
去毒

硃砂 一錢
研

天竺黃 二錢

麝香 三分

烏梢蛇肉 一錢
酒浸焙乾

右同研細煉蜜和膏每服大兒五分小兒三分薄荷湯化

服

鎮驚丸

茯神

麥冬 各五錢
去心

辰砂

從身醫全金卷三十一

遠志

去心

石菖蒲

棗仁

各三錢

牛黃

一錢半

川黃連

生三錢

珍珠

二錢

膽星

五錢

釣藤鈎

五錢

天竺黃

五錢

犀角

三錢

甘草

生二錢

右共研細末煉蜜為丸每丸重五分量兒與之用淡薑湯

下

痰癰

痰癰平素自多痰發時痰壅在喉間氣促昏倒吐痰沫一捻金與滾痰丸

註

痰癰者因小兒平素痰盛或偶因驚熱遂致成癰發時痰

涎壅塞喉間氣促昏倒口吐痰沫宜先服一捻金以急下
其痰次服硃衣滾痰丸則氣順痰清而癩自止矣

一捻金

方見不乳

硃衣滾痰丸

礞石

一兩
煨

沉香

五錢

黃芩

七錢

大黃

一兩

右為細末水泛為丸硃砂為衣多寡量兒大小白滾水化

服

食癩

食癩食過積中脘一時痰熱使之然面黃腹滿吐痢臭妙聖滾

痰和胃安

註

食癩者其病在脾因小兒乳食過度停結中脘乘一時痰熱壅盛遂致成癩其初面黃腹滿吐利酸臭後變時時發搐宜用妙聖丹主之痰盛者硃衣滾痰丸主之後用清熱和胃丸調理則積滯清而驚癩定矣

妙聖丹

雄黃

蜈蚣

硃砂

代赭石

各二錢
煨醋淬

巴豆

三個
去油

杏仁

二錢
炒去皮尖

右共為細末蒸棗肉丸如桐子大每服三五丸木香煎湯

化服

硃衣滾痰丸

方見痰癩

清熱和胃丸

川連

生五錢

梔子

生五錢

竹茹

四錢

麥冬

去心五錢

連翹

去心四錢

山查

一兩

神麩

炒一兩

麥芽

炒一兩

陳皮

四錢

枳實

炒五錢

大黃

五錢

甘草

生二錢

右共為細末煉蜜為丸每丸重一錢量兒與之用滾白水

化下

風癩

風癩汗出風襲經二目青黯面淡紅十指屈伸如數物化風羌

活牛黃寧

註

風癩因汗出脫衣腠理開張風邪乘隙而入發時目青面紅手如數物治法先宜疎風解表輕則化風丹主之重則羌活桂枝湯主之風兼痰者牛黃丸主之

化風丹

膽星

二錢

羌活

獨活

天麻

防風

甘草

生

荆芥穗

人參

川芎

各一錢

右共為細末煉蜜丸皂子大每服一九薄荷湯化開服

羌活桂枝湯

羌活

防風

麻黃

桂枝

天麻

大黃

甘草

生

引用生薑水煎服

方歌

羌活桂枝治風痲疎風瀉熱妙難言羌防麻桂天麻草大

黃煎服自然安

牛黃丸

膽星

全蠍

去毒

蠟退

各二錢半

防風

牛黃

白附子

生

殭蠶

炒

天麻

各一錢五分

麝香

五分

右為細末煮棗去核皮取肉和丸如菉豆大每服三五丸
生薑湯化服

黃連散

黃連散治心火上升口舌生瘡

黃連散

甘草

黃連

天麻

大黃

黃芩

白朮

御纂醫宗金鑑卷五十二

編輯幼科雜病心法要訣目錄

疳證門

疳證總括

脾疳

消疳理脾湯

肥兒丸

參苓白朮散

疳瀉

清熱和中湯

參苓白朮散

疳腫脹

御苑勻氣散

疳痢

香連導滯湯

肝疳

柴胡清肝散

蘆薈肥兒丸

加味道遙散

抑肝扶脾湯

心疳

瀉心導赤湯

珍珠散

茯神湯

疳渴

清熱甘露飲

肺疳

生地清肺飲

甘露飲

補肺散

腎疳

金蟾丸

九味地黃丸

調元散

疳熱

鼈甲青蒿飲

鼈甲散

腦疳

龍膽丸

龍腦丸

吹鼻龍腦散

眼疳

瀉肝散

清熱退翳湯

逍遙散

羊肝散

鼻疳

清金散

蔣氏化毒丹

化蟲丸

鼻疳散

吹鼻蟬殼散

牙疳

消疳蕪荑湯

蘆薈肥兒丸

牙疳散

脊疳

蘆薈丸

金蟾散

蛔疳

史君子散

下蟲散

肥兒丸

無辜疳

柴胡飲

蘆薈肥兒丸

丁奚疳

五疳消積丸

人參啓脾丸

哺露疳

集聖丸

肥兒丸

人參丸

吐證門

吐證總括

辨嘔吐噦證

傷乳吐

消乳丸

保和丸

傷食吐

三稜丸

和胃湯

夾驚吐

全蠍觀音散

定吐丸

痰飲吐

二陳湯

香砂六君子湯

蟲吐

化蟲丸

加減理中湯

虛吐

丁沉四君子湯

實吐

三一承氣湯

寒吐

薑橘散

理中湯

熱吐

加味溫膽湯

瀉證門

瀉證總括

傷乳食瀉

保安丸

平胃散

從身醫是金... 卷五... 二

中寒瀉

理中湯

訶子散

火瀉

玉露散

四苓散

驚瀉

益脾鎮驚散

養脾丸

臍寒瀉

和氣飲

調中湯

脾虛瀉

參苓白朮散

殮瀉

補中益氣湯

四神丸

水瀉

胃荅湯

升陽除濕湯

長樂新

四

御纂醫宗金鑑卷五十二

編輯幼科雜病心法要訣

疳證門

疳證總括

大人為勞小兒疳乳食傷脾是病原甘肥夫節生積熱氣血津液被熬煎初患尿泔午潮熱日久青筋肚大堅面色青黃肌肉瘦皮毛憔悴眼睛眵

註

大人者十五歲以上也病則為勞若十五歲以下者皆名為疳緣所稟之氣血虛弱藏府嬌嫩易於受傷或因乳食過飽或因肥甘無節停滯中脘傳化遲滯腸胃漸傷則生

積熱熱盛成疳則消耗氣血煎灼津液凡疳病初起尿如
米泔午後潮熱日久失治致令青筋暴露肚大堅硬面色
青黃肌肉消瘦皮毛憔悴眼睛發眵而疳證成矣然當分
其所屬而治之庶不致有悞也

脾疳

脾疳面黃肌消瘦身熱困倦喜睡眠心下痞硬滿腫脹臥冷食
泥腹痛豎頭大頸細食懶進吐瀉煩渴便腥黏攻積消疳肥兒
治補脾參苓白朮先

註

脾屬土色黃主肌肉故脾疳則見面黃肌肉消瘦身體發
熱困倦喜睡心下痞硬乳食懶進睡臥喜冷好食泥土肚

腹堅硬疼痛頭大頸細有時吐瀉口乾煩渴大便腥黏之
證也宜先攻其積用消疔理脾湯肥兒丸主之積退然後
調理其脾以參苓白朮散主之

消疔理脾湯

蕪荑 三棱 莪朮 青皮

陳皮 蘆薈 檳榔 史君子肉

甘草 川黃連 胡黃連 麥牙

神麩

引用燈心水煎服

消疔理脾用蕪荑三棱莪朮青陳皮蘆薈檳榔史君子草川

連胡連麥芽麩

肥兒丸

人參 二錢

白朮 五錢

茯苓 三錢

黃連 二錢

胡黃連 五錢

史君子 四錢

神麩 炒

麥芽 炒

山查肉 各三錢半

甘草 錢半

蘆薈 二錢半

右為末黃米糊丸如黍米大每服二三十九米湯化下

參苓白朮散

人參 二錢

茯苓

白朮 土炒

扁豆 炒

薏米 炒

山藥 各五錢

陳皮 三錢

縮砂

桔梗 各二錢

甘草 一錢

建蓮子 五錢

右共為細末每服一錢老米湯調服

疳瀉

疳疾傷脾因作瀉先清後補為妙訣初宜清熱和中湯久瀉參

苓白朮捷

註

疳瀉之證多緣積熱傷脾以致水穀不分頻頻作瀉法當

清熱滲濕以清熱和中湯主之若瀉久不愈當漸為調理

參苓白朮散主之

清熱和中湯

白朮

土炒

陳皮

厚樸

薑炒

赤苓

黃連

神麩

炒

穀芽

炒

史君子

生甘草

澤瀉

引用燈心水煎服

方疴久泄瀉名疴瀉清熱和中功甚捷白朮陳厚赤苓連神

穀史君草澤瀉

參苓白朮散

方見脾疴

疴腫脹

疴疾腫脹面浮光傳化失宜脾肺傷氣逆喘欬胸膈滿御苑勻氣服最良

註

疴疾腫脹之證多因傳化失宜以致脾肺兩傷現證氣逆

喘咳胸膈痞悶肚腹腫脹面色浮光宜用御苑勻氣散治

之其腫脹自消矣

御苑勻氣散

桑皮

蜜炒

桔梗

赤苓

甘草

生

藿香

陳皮

木通

引用薑皮燈心水煎服

方

疝久脾虛腫脹生御苑勻氣有奇功桑皮桔梗赤苓草藿

香陳皮合木通

疝痢

疝深日久頻下痢多緣腸胃熱凝滯或赤或白腹窘急香連導

滯為妙劑

註

疝痢之由皆因熱結腸胃所致故痢時或赤或白腹中窘痛急用香連導滯湯治之其痢自愈

香連導滯湯

青皮炒

陳皮

厚樸薑炒

川黃連薑炒

生甘草

山查

神麩炒

木香煨

檳榔

大黃

引用燈心水煎服

方歌 疝久下痢名疝痢香連導滯功最良青陳厚朴川連草查

麩木香檳大黃

肝疝

肝疳面目爪甲青眼生眵淚澁難睜搖頭揉目合面臥耳流膿
水濕瘡生腹大青筋身羸瘦燥渴煩急糞帶青清熱柴胡同蘆
薈調養逍遙抑肝靈

註

肝屬木色青主筋故肝疳則見面目爪甲皆青眼生眵淚
隱澁難睜搖頭揉目合面睡臥耳瘡流膿腹大青筋身體
羸瘦燥渴煩急糞青如苔之證也治宜先清其熱用柴胡
清肝散蘆薈肥兒丸主之若病勢稍退當以逍遙散抑肝
扶脾湯調理

柴胡清肝散

銀柴胡

梔子

微炒

連翹

去心

生地黃

胡黃連

赤芍

龍膽草

青皮

甘草

生

引用燈心竹葉水煎服

方歌

柴胡青肝治肝疳銀柴梔子翹胡連生地赤芍龍膽草青

皮甘草一同煎

蘆薈肥兒丸

五穀蟲

二兩炒

蘆薈

生

川黃連

各一兩薑炒

胡黃連

一兩炒

銀柴胡

一兩二錢炒

扁豆

炒

山藥

各二兩炒

南山查

二兩半

蝦蟇

四個煨

肉苳蔻

七錢煨

檳榔

五錢

四君子

二兩半炒

神麩

二兩炒

麥芽

一兩六錢炒

鶴虱

八錢炒

蕪荑

一兩炒

硃砂二錢

麝香二錢

共研細末醋糊為丸如黍米大每服一錢米飲下

加味道遙散

茯苓

白朮

炒

當歸

白芍

炒

柴胡

薄荷

炙甘草

丹皮

梔子

炒

引用薑棗水煎服

方歌加味道遙散如神茯苓白朮當歸身白芍柴胡薄荷草再

加丹皮梔子仁

抑肝扶脾湯

人參

白朮

土炒

黃連

薑炒

柴胡

酒炒

茯苓

青皮

醋炒

陳皮

白芥子

龍膽草

山查

神麩

炒

炙甘草

引用薑棗水煎服

方歌 調理抑肝扶脾湯參朮黃連柴苓良青陳白芥龍膽草山

查神麩甘草嘗

心疳

心疳面赤脈絡赤壯熱有汗時煩驚咬牙弄舌口燥渴口舌生

瘡小便紅胸膈滿悶喜伏臥懶食乾瘦吐利頻瀉心導赤珍珠

治扶神調理可收功

註

心屬火色赤主血脈故心疝則見面紅目脈絡赤壯熱有汗時時驚煩咬牙弄舌口舌乾燥渴飲生瘡小便紅赤胸膈滿悶睡喜伏臥懶食乾瘦或吐或利也熱盛者瀉心導赤湯主之熱盛兼驚者珍珠散主之病久心虛者茯神湯調理之

瀉心導赤湯

方見木舌

珍珠散

珍珠 三錢

麥冬 五錢

天竺黃 三錢

金箔 二十五片

牛黃 一錢

胡黃連 三錢

生甘草 二錢

羚羊角

大黃

當歸 各三錢

硃砂 二錢

雄黃 一錢

扶神 五錢

犀角 三錢

右爲細末每服五分茵陳湯調服

茯神湯

茯神

當歸

炙甘草

人參

引用龍眼肉水煎服 煩熱者加麥冬

方 茯神湯內用茯神當歸甘草共人參若是煩熱麥冬入清

補兼施功最純

瘡渴

肥甘積熱傷津液大渴引飲心煩熱速用清熱甘露宜熱減津

生渴自歇

疳渴者多因肥甘積熱煎耗脾胃以致津液虧損故不時

大渴引飲心神煩熱速用清熱甘露飲其渴自愈

清熱甘露飲

生地黃

麥冬

去心

石斛

知母

生

枇杷葉

蜜煎

石膏

煨

甘草

生

茵陳蒿

黃芩

引用燈心水煎服

方歌耗液傷津成疳渴清熱甘露飲如神生地麥冬斛知母枇

杷石膏草茵芩

肺疳

面白氣逆時咳嗽毛髮焦枯皮粟乾發熱憎寒流涕鼻頰生
瘡號肺疳疎散生地清肺效清熱甘露飲為先肺虛補肺散最
妙隨證加減莫遲延

註

肺屬金色白主皮毛故肺疳則見面白氣逆咳嗽毛髮焦
枯皮上生粟肌膚乾燥憎寒發熱常流清涕鼻頰生瘡也
先用生地清肺飲以疎解之繼用甘露飲清之日久肺虛
者當以補肺散主之

生地清肺散

桑皮

炒

生地黄

天冬

前胡

桔梗

蘓葉

防風

黃芩

生甘草

當歸

連翹

去心

赤苓

引用生薑紅棗水煎服

方歌生地清肺用桑皮生地天冬前桔齊蘓葉防風黃芩草當

歸連翹赤苓宜

甘露飲

生地黃

熟地黃

天冬

麥冬

去心

枳殼

麩炒

桔梗

黃芩

枇杷葉

蜜炙

茵陳蒿

石斛

引用紅棗肉水煎服

方歌甘露飲治肺火壅生熟地黃二門冬枳桔黃芩枇杷葉茵

陳石斛共煎成

補肺散

白茯苓

阿膠

蛤粉炒

糯米

馬兜鈴

炙甘草

杏仁

炒去皮尖

水煎服

方歌肺虛補肺散通仙茯苓阿膠糯米攢馬兜鈴配炙甘草杏

仁微炒去皮尖

腎疝

解顛鶴膝齒行遲骨瘦如柴面黑齩齒齩出血口臭氣足冷腹痛瀉哭啼腎疝先用金蟾治九味地黃繼進宜若逢稟賦氣虛

弱調元散進莫遲疑

註

腎屬水色黑主骨患此疝者初必有解顛鶴膝齒遲行遲
腎氣不足等證更因甘肥失節久則漸成腎疝故見面色
黧黑齒齦出血口中氣臭足冷如冰腹痛泄瀉啼哭不已
之證先用金蟾丸治其疝繼以九味地黃丸調補之若稟
賦不足者調元散主之

金蟾丸

乾蝦蟆 五個

胡黃連

黃連 各三錢

鶴蝩 二錢

肉豆蔻 煨

苦楝根白皮

雷丸

蘆薈 生

燕萸 各三錢

右為末麪糊為丸茶豆大雄黃為衣每服十五丸米湯化

下

九味地黃丸

熟地

茱萸肉

各五錢

赤茯苓

澤瀉

牡丹皮

山藥

炒

當歸

川楝子

史君子

各三錢

右為細末煉白蜜為丸如芡實大用滾白水研化食前服

調元散

人參

茯苓

白朮

土炒

山藥

炒

川芎

當歸

熟地黃

茯苓

黃耆

炙

甘草

炙

白芍

炒

引用薑棗水煎服

方歌調元散治稟賦弱參苓白朮乾山藥芎歸熟地共扶神黃

耆甘草同白芍

疴熱

小兒疴疾身發熱輕重虛實當分別初用青蒿飲為宜日久鼈

甲散最捷

註

疴疾之證身多發熱治者宜分別輕重虛實治之病初起多實者鼈甲青蒿飲主之日久多虛者鼈甲散主之

鼈甲青蒿飲

銀柴胡

鼈甲

炙

青蒿

生甘草

生地黄

赤芍

胡黃連

知母

炒

地骨皮

引用燈心水煎服

方疴疾血虛身發熱鼈甲青蒿藥有靈銀柴鼈蒿草地芍胡

連知母地骨同

鼈甲散

人參

黃耆

炙

鼈甲

炙

生地

熟地

當歸

白芍

炒

地骨皮

水煎服

方
詩
疴疾日久骨熱蒸鼈甲散治效從容參耆鼈甲生熟地當

歸白芍地骨同

腦疴

腦疴多緣受風熱又兼乳哺失調節頭皮光急生餅瘡頭熱髮
焦如穗結鼻乾心煩腮頰腫困倦睛暗身汗熱龍膽龍腦丸甚
良吹鼻龍腦效甚捷

註

腦疴者因兒素受風熱又兼乳哺失調以致變生此證頭
皮光急腦生餅瘡頭熱毛焦髮結如穗鼻乾心煩腮頰腫
硬困倦睛暗自汗身熱也腦熱生瘡者龍膽丸主之煩熱
羸瘦者龍腦丸主之外用吹鼻龍腦散吹之其證自愈

龍膽丸

龍膽草

升麻

苦楝根皮焙

赤茯苓

防風

蘆薈

油髮灰各二錢

青黛

黃連各三錢

右為細末豬膽汁浸糕糊丸如麻子大薄荷湯下量兒大

小與之

龍腦丸

龍腦

麝香

雄黃二錢

胡黃連三錢

牛黃一錢

硃砂一錢五分

蘆薈生三錢

乾蝦蟇四錢

右為細末熊膽合丸如麻子大每服三丸薄荷湯下

吹鼻龍腦散

龍腦

麝香

少許

各研細末

蝸牛殼

炒黃

蝦蟇灰

瓜蒂

黃連

細辛

桔梗

各等分

右為細末入磁盒內貯之每取少許吹入鼻中日吹二次

眼疳

疳熱上攻眼疳成癢澁赤爛胞腫疼白睛生翳漸遮滿流淚羞
明目不睜疎解瀉肝散最妙雲翳清熱退翳靈日久不瘥當補
養逍遙瀉肝二方從

註

眼疳者疳熱上攻於眼故發時癢澁赤爛眼胞腫疼白睛
生翳漸漸遮滿不時流淚羞明閉目也先用瀉肝散疎解

之再用清熱退翳湯消其翳若日久不瘥法當調補逍遙

散或羊肝散主之

瀉肝散

生地黄

當歸

赤芍

川芎

連翹

去心

梔子

生

龍膽草

大黃

羌活

甘草

生

防風

引用燈心水煎服

方歌

瀉肝散治肝熱壅生地當歸赤芍芎連翹梔子龍膽草大

黃羌活草防風

清熱退翳湯

梔子

微炒

胡黃連

木賊草

生地

羚羊角

龍膽草

銀柴胡

蟬蛻

赤芍

甘草

菊花

蒺藜

引用燈心水煎服

方歌

清熱退翳消雲翳
梔連木賊芍生地
羚羊龍膽銀柴胡
蟬

蛻甘草菊蒺藜

逍遙散

方見肝府

羊肝散

青羊肝

一具去筋膜切韭葉厚片

人參

羌活

白朮

土炒

蛤粉

各等分

右為細末令勻聽用將藥置荷葉上如錢厚一層鋪肝一層包固外以新足青布包裹蒸熟任兒食之如不食者及夏月恐腐壞則晒乾為末早晚白湯調服服完再合以好為度若熱者減人參

鼻疳

疳熱攻肺成鼻疳鼻塞赤癢痛難堪浸淫潰爛連脣際咳嗽氣促髮毛乾熱盛清金化毒效疳蟲蝕鼻化蟲丸調敷須用鼻疳散吹鼻蟬殼效通仙

註

鼻疳者因疳熱攻肺而成蓋鼻為肺竅故發時鼻塞赤癢疼痛浸淫潰爛下連脣際成瘡咳嗽氣促毛髮焦枯也熱

盛者宜清金散蔣氏化毒丹主之蟲蝕者用化蟲丸主之
外用鼻疳散敷之或以吹鼻蟬殼散吹入鼻內

清金散

生梔子

黃芩

枇杷葉

蜜炙

生地黄

花粉

連翹

去心

麥冬

去心

薄荷

元參

生甘草

桔梗

引用燈心水煎服

方歌清金散治肺壅熱梔子黃芩枇杷葉生地黄花粉翹麥冬薄

荷元參甘草桔

蔣氏化毒丹 方見胎赤

化蟲丸

蕪荑

盧薈 生

青黛

川芎

白芷 梢

胡黃連

川黃連

蝦蟇 各等分 灰

右為細末豬膽汁浸糕為丸如麻子大每服二十九食後

杏仁煎湯下

鼻疳散

青黛 一錢

麝香 少許

熊膽 五分

右為細末乾者用豬骨髓調貼濕者乾上

吹鼻蟬殼散

蟬殼

微炒

青黛

研

蛇蛻皮

灰

再

一回入

煎

滑石

麝香

各等分
細研

右為細末每用菜豆大吹入鼻中口三用之瘡蟲盡出

牙疳

疔成毒熱內攻胃上發齦肉赤爛疼口鼻血出牙枯落穿腮蝕

唇命多傾攻毒消疔蕪蕒效繼以蘆薈肥兒靈外用牙疳散時

上能食堪藥始能生

註

牙疳者因毒熱攻胃而成故熱毒上發齦肉赤爛疼痛口

臭血出牙枯脫落穿腮蝕唇病勢危急急用消疔蕪蕒湯

瀉其毒熱繼以蘆薈肥兒丸清其餘熱外用牙疳散時時敷之自愈總之此證必胃強能食堪勝峻藥始有生機否則難治也

消疳蕪荑湯

大黃

芒硝

蕪荑

蘆薈

川連

胡黃連

黃芩

雄黃

水煎服服後便軟及不食者去大黃芒硝加石膏羚羊角

方歌 蕪荑消疳大黃消蘆薈蕪荑二連標黃芩淮黃一同入能

清積熱牙疳消

蘆薈肥兒丸 方見肝疳

牙疳散

人中白

煨存性

川綠礬

燒紅

五倍子

各等分 炒黑

冰片

少許

右為極細末先用水拭淨牙齒再以此散敷之有蟲者加

檳榔

脊疳

積熱生蟲蝕脊脊手擊其背若鼓鳴羸瘦脊骨鋸齒狀身熱下利煩渴增十指皆瘡齧爪甲此名脊疳病熱凶蘆薈丸同金蟾散急急調治莫從容

註 脊疔者因積熱生蟲上蝕脊脊也以手擊其背必空若鼓
鳴脊骨羸瘦狀若鋸齒始為脊疔外證亦身體發熱下利
煩渴十指皆瘡頰齧瓜甲其證最為可畏須先以蘆薈丸
殺其蟲繼用金蟾散消其疔隨時調治或可愈也

蘆薈丸

生蘆薈 青黛 硃砂

熊膽

胡黃連

貫眾

地龍

川黃連

蟬蛻

雷丸

麝香

蝦蟇

微炒

各五錢

一錢

去足

一個 酥塗炙焦

右為細末用蝸角肉研和丸如麻子大每服五丸粥飲下

量兒大小與之

金蟾散

蟾一錢
酥塗炙焦

夜明沙
炒

桃白皮

檉根白皮

地榆

黃蘗

訶黎勒
皮煨

百合

人參

大黃

白蕪荑
炒

胡粉
各三錢

檳榔
一錢

丁香
三十七粒

右為細末每服五分粥飲調下

蛔疳

過食臑冷並肥甘濕熱生蛔腹內纏時煩多啼時腹痛口唇色

變溢清涎腹脹青筋肛濕癢史君散治莫遲延不愈下蟲丸極效蛔退補脾肥兒丸

註

蛔疴者因過食生冷油膩肥甘之物以致濕熱生蛔腹中擾動故有時煩躁多啼有時肚腹攪痛口唇或紅或白口溢清涎腹脹青筋肛門濕癢也先用史君子散治之不愈下蟲丸主之若蛔退又當調補其脾肥兒丸主之

史君子散

史君子

十個 上炒為末

苦楝子

五個 泡去核

白蕪黃

甘草

各一錢 膽汁浸一宿

右為末每服一錢水調服

下蟲丸

苦棟根皮

新白者佳
酒浸焙

木香

桃仁

浸去皮尖

綠包貫衆

蕪荑

焙

雞心檳榔

各二錢

輕粉

五分

鶴蝮

一錢
炒

乾蝦蟇

三錢
炒黑

史君子

二錢
取肉煨

右為末麪糊成丸如麻子大每服二十九滾白水下

肥兒丸

方見脾疳

無辜疳

無辜疳傳有二因鳥羽汚衣着兒身或綠乳母病傳染頸項瘰核便利膿蟲蝕臟腑身羸瘦面黃發熱致疳生清熱宜用柴胡

飲消疳肥兒效如神

註無辜疳者其病原有二或因浣衣夜露被無辜鳥落羽所

汚兒着衣後致成此證或因乳母有病傳染小兒以有此

疾其證頸項生瘡或項內有核如彈按之轉動軟而不疼

其中有蟲如米粉不速破之使蟲蝕臟腑便利膿血身體

羸瘦面黃發熱也治宜先清其熱柴胡飲主之再消其疳

以蘆薈肥兒丸主之

柴胡飲

赤芍藥

柴胡

黃連

半夏

薑製

桔梗

夏枯草

龍膽草

浙貝母

黃芩

甘草

生

引用燈心水煎服

方歌

柴胡飲治無辜疳赤芍柴胡川黃連半夏桔梗夏枯草龍

膽浙貝芩草煎

蘆薈肥兒丸

方見肝疳

丁奚疳

遍身骨露號丁奚肌肉乾澁晝夜啼手足枯細面黧黑項細腹
大突出臍尻削身軟精神倦骨蒸潮熱渴煩急化滯五疳消積
治補養人參啓脾宜

註 丁奚者徧身骨露其狀似丁故名曰丁奚也其證肌肉乾
澁啼哭不已手足枯細面色黧黑項細腹大肚臍突出尻
削身軟精神倦怠骨蒸潮熱燥渴煩急也先用五疳消積
丸化其滯繼用人參啓脾丸理其脾病可漸愈矣

五疳消積丸

史君子肉 五錢 炒

麥芽 炒

陳皮

神麩 炒

山查 各一兩

白蕪荑

黃連

膽草 各三錢

右爲末陳米飯爲丸每服一錢米飲下

人參啓脾丸

人參 五錢

白朮 五錢
土炒

白茯苓 五錢

陳皮 四錢

扁豆 五錢
炒

山藥 五錢
炒

木香 二錢
煨

穀芽 三錢
炒

神麩 三錢
炒

炙甘草 二錢

右研細末煉蜜為丸重一錢用建蓮湯化下

哺露疳

乳食不節傷脾胃羸瘦如柴哺露成吐食吐蟲多煩渴頭骨開
張哺熱蒸先用集聖消積滯繼用肥兒甚有靈若還腹大青筋
現人參丸服莫從容

註 哺露者因乳食不節大傷脾胃也其證羸瘦如柴吐食吐

蟲心煩口渴頭骨開張日晡蒸熱先用集聖丸消其積滯
再用肥兒丸清理其脾若哺露日久肚大青筋者又宜清
補兼施以人參丸主之

集聖丸

蘆薈

微炒

五靈脂

炒

夜明沙

淘洗焙乾

縮砂

木香

陳皮

莪朮

史君子

肉

黃連

川芎

酒洗炒

乾蟾

各二錢炙

當歸

一錢五分

荷皮

二錢製

為細末用雄豬膽二箇取汁和麩糊為丸每服一錢米

飲送下

肥兒丸 方見脾疳

人參丸

人參

麥冬 去心

半夏 薑製

大黃 微炒

黃耆 炙

茯苓

柴胡

黃芩

炙甘草

川芎

訶黎勒 煨

鼈甲 炙

右為細末煉蜜為丸如麻子大以粥飲下量兒大小用之

吐證門

吐證總括

諸逆上衝成嘔吐乳食傷胃或夾驚或因痰飲或蟲擾虛實寒熱要分明

註嘔吐一證皆諸逆上衝所致也夫諸逆之因或以乳食過多停滯中脘致傷胃氣不能健運而上逆也或於食時觸驚停積不化而上逆也或痰飲壅盛阻膈氣道或虻蟲擾亂懊憹不安而上逆也總之上逆之因雖不同而皆能成嘔吐也但病有虛有實有寒有熱治者當於臨症時參合兼見之證審慎以別之庶不誤矣

辨嘔吐噦證

有物有聲謂之嘔有物無聲吐證名無物有聲謂噦證分別醫

治中病情

註

吐證有三曰嘔曰吐曰噦古人謂嘔屬陽明有聲有物氣血俱病也吐屬太陽有物無聲血病也噦屬少陽有聲無物氣病也獨李杲謂嘔吐噦俱屬脾胃虛弱潔古老人又從三焦以分氣積寒之三因然皆不外諸逆上衝也治者能分虛實別寒熱以治之自無不曲中病情矣

傷乳吐

乳食過飽蓄胃中乳片不化吐頻頻身熱面黃腹膨脹消乳保和有神功

註傷乳吐者因乳食過飽停蓄胃中以致運化不及吐多乳

片猶如物盛滿而上溢也其證身熱面黃肚腹膨脹治宜
消乳丸保和丸化其宿乳安胃和中節其乳食自然止也

消乳丸

香附 二兩 製

神麴 炒

麥芽 各一兩 炒

陳皮 八錢

縮砂仁 炒

甘草 各五錢 炙

右為細末滴水為丸如粟米大量兒大小服之薑湯化下

保和丸

南山查 二兩

神麴 一兩 炒

茯苓

半夏 各一兩 薑製

連翹 去心

陳皮

萊菔子 各五錢 炒

右為細末麵糊為丸麥芽湯化服

傷食吐

過食傷胃腹脹熱惡食口臭吐酸黏眼胞虛浮身潮熱須服三稜和胃煎

註

傷食吐者因小兒飲食無節過食油膩麵食等物以致壅塞中脘而成也其證肚腹脹熱惡食口臭頻吐酸黏眼胞虛浮身體潮熱治宜清胃和中為主先用三稜丸止其吐再用和胃湯化其滯而病漸愈矣

三稜丸

三稜煨

陳皮

半夏

薑製

御製醫宗全錄卷五十二

神麴 各一兩 炒

黃連 薑炒

枳實 麩炒

丁香 各五錢

右研細末麴和為丸如黃米大每服二十丸食後薑湯下

和胃湯

陳皮

半夏 薑製

縮砂仁 研

蒼朮 炒

厚樸 薑炒

藿香葉

香附 炒

甘草 炙

山查

神麴 炒

引用生薑水煎服

方歌 和胃湯治嘔吐類陳皮半夏縮砂仁蒼朮厚樸藿香葉香

附甘草山查神

夾驚吐

食時觸異吐青涎身熱心煩睡不安截風觀音散極妙止吐定

吐丸可痊

註

夾驚吐者多因飲食之時忽被驚邪所觸而致吐也其證

頻吐青涎身體發熱心神煩躁睡臥不寧先用全蠍觀音

散截其風次用定吐丸止其嘔而病可痊矣

全蠍觀音散

人參

三錢

黃耆

蜜炙

扁豆

炒

茯苓

各五錢

蓮肉

三錢
去心

木香

煨
一錢五分

白芷 二錢

羌活

防風

天麻

全蠍 各二錢 去毒

炙甘草 一錢五分

右為細末薑棗煎湯調服量兒大小與之

定吐丸

丁香 二十一粒

蠍梢 四十九條 去毒

半夏 三個 薑製

右為細末令勻煮棗肉為丸如黍米大每服七丸金器煎

湯化服

痰飲吐

痰飲壅盛在胸中痰因氣逆嘔吐成眩暈面青此涎飲香砂二

陳六君寧

註
痰飲吐者由小兒飲水過多以致停留胸膈變而為痰痰

因氣逆遂成嘔吐之證其候頭目眩暈面青嘔吐涎水痰

沫也宜用香砂二陳湯虛者香砂六君子湯治之

二陳湯

方見兜乳
本方加藿香砂仁

香砂六君子湯

藿香

縮砂仁

白朮

土炒

人參

茯苓

半夏

薑製

陳皮

甘草

炙

引用生薑水煎服

方歌
香砂六君虛痰吐藿香縮砂共
白朮人參茯苓及陳皮半

夏甘草同煎服

蟲吐

蟲吐胃熱或胃寒色變時疼嘔清涎寒熱當以陰陽辨化蟲加

減理中痊

註

蟲吐之證有二有以胃經熱蒸者有以胃經寒迫者皆能

令蟲不安擾亂胃中而作吐也其證脣色或紅或白胃口

時痛時止頻嘔清涎屬寒屬熱當從陰陽之證辨之熱者

化蟲丸主之寒者加減理中湯主之

化蟲丸

蘆萸

五錢

鵝蘓

苦楝根皮

胡粉

史君子

檳榔

各一兩

枯礬

二錢五分

右為細末麴糊為丸量兒大小用之

加減理中湯

人參

乾薑

白朮

土炒

川椒

引用烏梅一個水煎服

方歌加減理中寒吐蟲人參乾薑白朮從川椒烏梅伏蟲動煎

成服下即安寧

虛吐

虛吐多因胃弱成神倦顛動睡露睛自利不渴頻嘔吐丁沉四
君藥最靈

註 虛吐之證多因胃氣虛弱不能消納乳食致成此證也其

精神倦怠顛門煽動睡臥露睛自利不渴頻頻嘔吐者以

丁沉四君子湯治之

丁沉四君子湯

人參

白朮

土炒

茯苓

炙甘草

丁香

沉香

引用煨薑水煎服

方歌 胃虛嘔吐不思食丁沉四君治最宜參朮苓草補其胃丁

香沉香溫其脾

實吐

小兒實吐腹脹滿二便不利痞硬疼發渴思涼吐酸臭三一承氣可收功

註

實吐者小兒平素壯實偶而停滯胸腹脹滿二便秘澀痞硬疼痛口渴思飲寒涼吐多酸臭也宜用三一承氣湯下之二便利而吐止矣

三一承氣湯

芒硝

生大黃

枳實

麩炒

甘草

生

厚樸

薑炒

引用生薑水煎服

方歌三一承氣治實吐滯通塞功最著芒消相配生大黃枳

實甘草同厚樸

寒吐

朝食暮吐爲冷吐乳食不化不臭酸四肢厥冷面唇白薑橘丁

黃理中煎

註

寒吐者皆因小兒過食生冷或乳母當風取涼使寒氣入

乳小兒飲之則成冷吐之證其候朝食暮吐乳食不化吐
出之物不臭不酸四肢逆冷面唇色白治當溫中定吐胃
微寒者薑橘散主之寒甚者丁黃理中湯主之

薑橘散

白薑 二錢

陳皮 一兩

炙甘草 一錢

右為細末每服一錢溫棗湯調服

理中湯

方見不乳
本方加丁香香吳茱萸

熱吐

食入即吐因胃熱口渴飲冷吐酸涎身熱唇紅小便赤加味溫

膽湯可痊

註

熱吐之證或因小兒過食煎燂之物或因乳母過食厚味以致熱積胃中遂令食入即吐口渴飲冷嘔吐酸涎身熱

脣紅小便赤色治宜清熱為主加味溫膽湯主之

加味溫膽湯

陳皮

半夏

薑製

茯苓

麥冬

去心

枳實

麩炒

生甘草

竹茹

黃連

薑炒

方歌
引用燈心水煎服

熟吐須用溫膽湯陳皮半夏茯苓良麥冬枳實生甘草竹

茹黃連水煎嚙

瀉證門

瀉證總括

小兒泄瀉認須清傷乳停食冷熱驚藏寒脾虛飧水瀉分清溫
補治宜精

註瀉之一證多因脾被濕浸土不勝水而成然致病之原各

異或乳食停滯不化或感受寒暑之氣或驚邪外觸或藏
受寒冷或脾虛作瀉更有飧瀉水瀉之證致疾之因不同
而調治之法亦異醫者詳細辨之或分清或溫補因證施
治庶不誤矣

傷乳食瀉

乳食過傷瀉酸膿噫臭腹熱脹滿疼口渴惡食溺赤澁保安平
胃奏神功

註傷乳食瀉者因乳食過飽損傷脾胃乳食不化故頻瀉酸

膿也噫臭腹熱脹滿疼口渴惡食小便赤澁須用保安
丸消其滯次用平胃散和其脾庶積消而瀉止矣

保安丸

香附

醋炒

縮砂仁

各一兩

白薑

炮

青皮

醋炒

陳皮

三稜

莪朮

炙甘草

各五錢

右為細末麵糊為丸量兒大小與之白湯化下

平胃散 方見兜乳

中寒瀉

過食生冷中寒瀉腸鳴脹痛泄澄清面白肢冷懶飲食理中訶子散堪行

註

中寒瀉者因過食生冷以致寒邪凝結腸鳴腹脹時復疼痛所瀉皆澄澈清冷面色淡白四肢逆冷飲食懶進也溫中理中湯主之止瀉訶子散主之

理中湯 方見不乳

訶子散

訶子

麵煨

肉豆蔻

麩煨

白朮

土炒

人參

茯苓

木香

各一兩

陳皮

炙甘草

各五錢

右為細末每服一錢薑湯調服

火瀉

火瀉內熱或傷暑暴注下迫腹痛疼煩渴瀉黃小便赤玉露四

苓可收功

註

火瀉者皆因臟腑積熱或外傷暑氣故瀉時暴注下迫肚

腹疼痛心煩口渴瀉多黃水小便赤色也先用玉露散清

其熱再用四苓湯利其水庶得其要矣

玉露散

寒水石

石膏 各一兩

甘草 三錢

右為細末量兒大小溫湯無時調服

四苓湯

茯苓

白木 土炒

豬苓

澤瀉

引用燈心水煎服

方歌 火瀉小便利通利水除濕用四苓茯苓白木豬苓澤瀉

心為引共煎成

驚瀉

驚瀉因驚成泄瀉夜臥不安晝惕驚糞稠若膠帶青色鎮驚養

脾服通靈

註

驚瀉者因氣弱受驚致成此證其候夜臥不安晝則驚惕
糞稠若膠色青如苔治宜鎮心抑肝先以益脾鎮驚散定
其驚次以養脾丸理其脾庶可愈矣

益脾鎮驚散

人參 錢半

白朮 土炒

茯苓 各三錢

硃砂 八分

釣藤 二錢

甘草 五分

右為細末每服一錢燈心湯調服

養脾丸

人參

白朮 土炒

當歸

川芎 各三錢

青皮 醋炒

木香 煨

黃連 薑炙

陳皮 各二錢

神麴 炒

山查

縮砂仁

麥芽 各一錢

右研細末神麴糊為丸如麻子大每服二十九丸陳倉米飲下

臍寒瀉

剪臍失護受寒冷糞色青白腹痛鳴散寒和氣飲極效溫補調中湯最靈

註

臍寒瀉者多因斷臍失護風冷乘入傳於大腸遂成寒瀉之證其候糞色青白腹痛腸鳴先用和氣飲溫散之再以

調中湯溫補之庶治得其要矣

和氣飲

蒼朮

紫蘇

防風

赤苓

豆豉

藿香

陳皮

厚樸

炙甘草

薑炒

引用生薑燈心水煎服

方歌

和氣飲具溫散功蒼朮紫蘇共防風赤苓豆豉藿香葉陳

皮厚樸甘草同

調中湯

人參

茯苓

藿香

白木
土炒

炙甘草

木香
煨

香附
製

縮砂仁

引用煨薑水煎服

方歌 臍寒瀉用調中湯人參白朮煨木香藿香茯苓同香附縮

砂炙草引煨薑

脾虛瀉

脾虛食後即作瀉腹滿不渴少精神面黃懶食肌消瘦參苓白

朮秦奇勳

註 脾虛瀉者多因脾不健運故每逢食後作瀉腹滿不渴精

神短少面黃懶食肌肉消瘦也宜用參苓白朮散以補脾

其瀉自止

參苓白朮散

方見脾胃

殮瀉

清氣下陷失健運完穀不化殮瀉名補中益氣湯升補久瀉腸

滑用四神

註殮瀉者或因春傷風邪清氣下陷脾失健運以致完穀不

化也治者須補養脾土用補中益氣湯升其中氣若泄瀉

日久腸滑不禁者用四神丸治之

補中益氣湯

人參

黃耆

蜜炙

當歸

土炒

白朮 土炒

炙甘草

陳皮

升麻 土炒

柴胡 醋炒

引用薑棗水煎服

方 歌 瀉多因清陽陷補中益氣湯最驗參耆歸米草陳皮升

麻柴胡功無限

四神丸

補骨脂 四兩

五味子

肉豆蔻 各二兩 麪裹煨

吳茱萸 一兩 水浸炒

歌 右為細末生薑棗肉為丸每服一錢米飲下

烏

脾胃濕盛成水瀉懶食溇瀉色多黃清濁不分溺短瀉胃苓升
陽之濕湯

註

水瀉者皆因脾胃濕盛以致清濁不分變成水瀉之證其
候小便短瀉懶食溇瀉色黃宜用胃苓湯以除濕若瀉久
不止則用升陽除濕湯治之其證自愈

胃苓湯

蒼朮

炒

陳皮

厚樸

薑炒

白朮

土炒

茯苓

炙甘草

肉桂

澤瀉

豬苓

引用生薑紅棗水煎服

方歌 濕瀉胃苓湯 行蒼朮陳皮厚樸同 白朮茯苓炙甘草肉

桂澤瀉共豬苓

升陽除濕湯

蒼朮

炒

陳皮

防風

神麴

炒

麥芽

炒

澤瀉

炙甘草

升麻

羌活

柴胡

豬苓

引用生薑水煎服

方歌 升陽除濕瀉不停 蒼朮陳皮共防風 神麴麥芽澤甘草升

麻羌活柴豬苓

六六六

六代御製醫宗金鑑不計卷本則其共知風脈變遷

六六六

六六六

六六六

六六六


六六六

六六六

六六六

六六六

三



G-618
1740
v.3

